



XALQ DEPUTATLARI TOSHKENT VILOYATI KENGASHINING Q A R O R I

2022 - yil 8 - noyabr

VI-62-150-10-0-K/22

Toshkent viloyati hokimiligi

Toshkent viloyati “Zero Waste” mas’uliyati cheklangan jamiyatining qattiq va suyuq maishiy chiqindilarni to‘plash va olib chiqib ketish xizmatlari uchun yangi tariflarni belgilash to‘g‘risida

O‘zbekiston Respublikasi Prezidentining 2020-yil 29-sentabrdagi “Maishiy va qurilish chiqindilari bilan bog‘liq ishlarni boshqarish tizimini yanada takomillashtirish chora-tadbirlari to‘g‘risida” 4845-sonli Qarori hamda Vazirlar Mahkamasining 2019-yil 6-fevraldagi “Chiqindilar bilan bog‘liq ishlarni amalga oshirish sohasidagi normativ-huquqiy hujjatlarni tasdiqlash to‘g‘risida”gi 95-sonli Qaroriga asosan Toshkent viloyatining Angren shahar hamda Parkent va Yuqorichirchiq tumanlarida maishiy chiqindilarni to‘plash va olib chiqib ketish xizmatlari uchun tariflarni tartibga solish maqsadida Xalq deputatlari Toshkent viloyati Kengashi,

Q A R O R Q I L A D I :

1. O‘zbekiston Respublikasi Prezidentining 2020-yil 29-sentabrdagi “Maishiy va qurilish chiqindilari bilan bog‘liq ishlarni boshqarish tizimini yanada takomillashtirish chora-tadbirlari to‘g‘risida” 4845-sonli Qarori hamda Vazirlar Mahkamasining 2019-yil 6-fevraldagi “Chiqindilar bilan bog‘liq ishlarni amalga oshirish sohasidagi normativ-huquqiy hujjatlarni tasdiqlash to‘g‘risida”gi 95-sonli Qarori ma’lumot va ijro uchun qabul qilinsin.

2. “Zero-Waste” mas’uliyati cheklangan jamiyatining (keyingi o‘rinda

jamiyat) tomonidan Toshkent viloyatining Angren shahar hamda Parkent va Yuqorichirchiq tumanlari uchun ishlab chiqilgan qattiq va suyuq maishiy chiqindilarni to'plash va olib chiqib ketish xizmatlari tariflari ilovaga muvofiq ma'qullansin.

Bunda, Toshkent viloyati hokimligi moliya bosh boshqarmasining (01-20/27-11-37/1633-son) xulosalari inobatga olinganligi ko'rsatib o'tilsin.

3. Viloyat axborot va ommaviy kommunikatsiyalar boshqarmasi boshlig'i (Zarifa Eraliyeva), "Toshkent haqiqati", "Tashkentskaya pravda", "Angren haqiqati", "Parkent tongi", "Yuqorichirchiq hayoti" gazetalariga qattiq va suyuq maishiy chiqindilarni to'plash va olib chiqish xizmatlarining yangi tariflari qaror qabul qilingan kundan boshlab qo'llanilishi yuzasidan ommaviy axborot vositalarida keng yoritib borilishi tavsiya etilsin.

4. Viloyat hokimligi shaharlar infratuzilmasini rivojlantirish, obodonlashtirish va kommunal xo'jalik masalalari bo'yicha kotibiyati mudiri Aziz Akramov **ikki kun muddatda** ushbu qaror o'rnatilgan tartibda tasdiqlangandan so'ng, viloyat hokimining qaror loyihasini ishlab chiqib, tasdiqqa kiritsin.

5. Mazkur qaror bajarilishini nazorat qilish Xalq deputatlari viloyat Kengashining Sanoat, transport, qurilish, kommunal soha va aholiga xizmat ko'rsatish masalalari bo'yicha doimiy komissiyasi raisi Axmadali Xudayberganov va viloyati hokimining moliya-iqtisodiyot va kambag'allikni qisqartirish masalalari bo'yicha birinchi o'rinbosari Muzaffar Fayziyev hamda viloyati hokimining shaharlar infratuzilmasini rivojlantirish, obodonlashtirish va kommunal xo'jalik masalalari bo'yicha o'rinbosari Barhayot Meliyev zimmasiga yuklansin.

Xalq deputatlari viloyat kengashi
raisi



Z.Mirzayev